



PREZIDÉNSIA KONSELLU MINISTRUS

VI GOVERNU KONSTITUSIONÁL

DÍLI, LORON 8 FULAN-ABRÍL TINAN 2015

KOMUNIKADU IMPRENSA

Sorumutuk Konsellu Ministrus nian iha Ioron 8 fulan-abríl tinan 2015

Konsellu Ministrus hala'o sorumutuk iha kinta ne'e, Ioron 8 fulan-abríl tinan 2015, iha sala sorumutuk Konsellu Ministrus nian, iha Palásiu Governu, iha Dili, no aprova ona diploma neen:

1. Proposta Lei kona-ba Poder Lokál no Desentralizasaun Administrativa

Proposta Lei ida kona-ba tema ida ne'e hetan ona aprovasaun husi Governu Konstitusionál VI, iha sorumutuk Konsellu Ministrus nian iha Ioron 13 fulan-janeiru tinan 2014 no haruka ona ba Parlamentu Nasional hodi halo diskusaun no votasaun. Tanba Parlamentu Nasional seidauk halo apresiasaun no Governu foun ida simu pose, tuir Konstituisaun, Governu Konstitusionál VI tenke aprova proposta foun ida.

Atu fó hanoin katak, Proposta Lei ne'e estabelese organizasaun, kompozisaun no kompeténsia órgaun Podér Lokál sira nian, nune'e mós ho kuadru jurídiku desentralizasaun administrativa Estadu nian.

2. Proposta Lei ne'ebé aprova alterasaun dahuluk ba Lei Divizaun Administrativa Territoriu nian

Hanesan mós proposta ida uluk, Proposta Lei ida kona-ba tema ida ne'e mós hetan aprovasaun husi Governu Konstitusionál VI, iha mós sorumutuk Konsellu Ministrus nian iha Ioron 13 fulan-janeiru tinan 2014, no haruka ona ba Parlamentu Nasional hodi halo diskusaun no votasaun. Ho Governu foun ne'ebé simu pose, no tanba diploma ne'e seidauk hetan apresiasaun husi Parlamentu Nasional, tuir Konstituisaun, Governu Konstitusionál VI tenke aprova proposta foun ida.

Nune'e, Konsellu Ministrus aprova Proposta Lei ne'e, ne'ebé, tanba la muda divizaun administrativa territoriali ba munisípiu sanulu-resin-tolu ne'ebé prevee tiha ona, introdús fila-fali sirkunkrisaun administrativa infra-munisípál sira, ne'ebé iha nanis ona to'o Lei n^º 11/2009, Ioron 7 fulan-outubru (Divizaun Administrativa Territoriu nian) hahú vigora, maibé ho naran Postu Administrativu.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

3. Proposta Lei Resensiamentu Eleitorál nian

Diploma ida ne'e buka atu asegura estabelesimentu resensiamentu eleitorál nian, tuir Konstituisaun, no iha kbiit atu serve baze ne'ebé metin no bele hetan fiar ba-ihá prosesu atu hili titulár órgaun soberania no órgaun reprezentante podér lokál nian sira.

4. Proposta Lei Eleitorál Munisipál

Diploma ida ne'e regula eleisaun titulár munisipál sira (Prezidente Munisípiu no deputadu sira Asembleia Munisipál nian), tuir konstituisaun no halo tuir karakterística país nian.

5. Proposta Lei ne'ebé mak aprova alterasaun dahuluk kona-ba Lei Partidu Polítiku sira

Konstituisaun Repúblika Demokrática Timor-Leste estabelese direitu ba sidadaun hotu-hotu sai-nu'udar no partisipa iha partidu político sira, hakru'uk ba ninia konstituisaun no organizasaun iha termu sira ne'ebé maka harii tia ona husi Parlamentu Nasional.

Lei kona-ba Partidu Polítiku sira atu estabelese baze fundamental sira ba konstituisaun, funzionamento no finansiamentu ba partidu político sira. Maske nune'e, konsolidadasaun rejime demokrátiku nian justifika revizaun Lei ida ne'e, atu garante ezijénsia ida ne'ebé boot liu iha ninia prosesu formasaun no mekanizmu sira finansiamentu nian, tuir práтика internasional balun.

6. Decretu-Lei ida ne'ebé mak aprova kriasaun ba Konsellu Delimitasaun Definitiva Fronteira Marítima

Dekretu-Lei ida ne'e estabelese kuadru institusionál atu hetan delimitasaun defenitiva fronteira sira tasi Timor-Leste nian, objetivu ida ne'ebé mak povu hakarak hetan lalais, tamba ne'e importante tebtebes atu hala'o nia direitu tomak soberania nian no juridisaun territorial nian tuir lei internasional.

Diploma ida ne'e kria Konsellu Delimitasaun Definitiva ba Fronteira Marítima sira nu'udar iniciativa ida ne'ebé Parlamentu Nasional mós fó apoiu iha tinan 2014, liuhusi Rezolusaun.

Kazu istóriku ne'ebé mak relasiona ho período husi okupasaun Indonézia, no akordu provizóriu sira mak halo prosesu negosiasaun kona-ba delimitasaun definitiva fronteira sira tasi Timor-Leste nian sai naruk, tan ne'e, laiha dúvida katak, sei fó impaktu ne'ebé mak boot tebes iha sosiál político no ekonómiku ba Povu Timor-Leste nian.

Tuir Konstituisaun hateten, preparasaun no negosiasaun tratadu internasional sira nu'udar kompeténsia Governu nian, no tuir Lei n.^º 6/2010, Ioron 12 fulan-maiu (relaciona ho tratadu internasional sira), bele delega ninia kompeténsia espesífika ba órgaun governu nian sira seluk hodi halo negosiasaun ba tratadu internasional sira, ne'ebé iha kazu espesífiku ida ne'e, persiza intervensaun ida ne'ebé mak kompletu husi Governu, rekursu hirak signifikativu no kontratasau apoiu especializadu nian.

